

B951
H51

102

8

胡道靜
陳蓮笙
陳耀庭
編輯

道藏要籍選刊

(八)



A0714502

上海古籍出版社

滬新登字 109 號

道藏要籍選刊

(八)

胡道靜 陳蓮笙 陳耀庭 選輯

上海古籍出版社出版

(上海瑞金二路 272 號)

中華書局上海發行所發行 上海市印七廠印刷

開本 787×1092 1/16 印張 54 插頁 4 頁

1989 年 6 月第 1 版 1995 年 2 月第 3 次印刷

印數: 3001—5000

ISBN 7-5325-0243-0

B·13 定價: 46.90 元

道門定制

道門定制序

丙

至簡易者道而至詳備者禮凡人之所以事天者道也因事天而起至誠之心者有禮存焉此聖人垂世立教之本旨也然於繁簡之間當有所折衷而不可過也道門齋醮簡牘之設古者止符篆朱章而已其他表狀文移之屬皆後世以人間禮兼考合經教而增益者所在無定式或得之詳備而失簡易之旨使力所不逮者不可跋及或失之鹵莽而使盡敬事天者無所考定不愜其意元素常竊患之欲別爲校定使之適中俾略者不得隱而繁者不得踰則事天奉道之禮不因入而降殺其他有合講明具于下方富有能辨之者淳熙戊申唐安鄒江樸庵呂元素識

道門定制卷之一

西蜀道士樸庵呂元素集成
朱陵真隱性齋胡湘龍編校

議表狀

九皇請表每位專奏一通略入事言啓事以某日取某日某時設醮降真以致望幸之意不必全入願意其他衆真申請狀并土地三界等牒皆然蓋侯登壇行遁自有章詞致禱爾或醮事止作一通請諸聖者止用請狀爲便若表上列九皇號不合格式也

議稱臣

自上九皇外其他衆聖皆不須稱臣蓋九皇猶人間之至尊而衆聖雖帝位者皆一方之帝於九皇猶諸侯百官也又高功奏事有齋主名不須著臣字齋主詞中書高功名者不須著臣字

議衆真請狀

黃籙羅天上真千二百位雖欲多具請狀竟不能徧今取三皇文內所延召三府衆真作三皇狀三通伏乞三皇帝君同衆真降臨至

於三界牒中所請亦無庶幾遞相關連不致繁冗而能周徧

議文牒

漢天師主教并領天樞都省進奏事凡所章奏上九皇者必陳乞天樞院凡所文移必稱泰玄都省行壇後必尊天師銜次列高功街施行蓋天師遺教貽諸後人必使遵行以達幽顯實古法也近皆削去行壇字後專署天師銜以爲文牒果自天上降下牒後又作高功文跋兼行可謂不典莫若從古法爲宜今於天師狀中亦具申請銜位之意庶幾曲盡人私

議女青詔書并寶誥

嘗所載混沌赤文元始符命一節乃女青律也今遷拔舉用作牒不過抽魂爾只當以泰玄都省行壇備坐施行近有以爲詔書當有制敕乃撰造言詞對偶別立格式云三天門下準敕降到又多開條項如朝廷敕文之類若不獨違礙而又實出人爲於義未安又東嶽主攝人魂魄總統地祇所以抽魂必中

牒東嶽乞行下地水諸司照會爾或有自嶽
濱地水城隍諸廟凡諸幽獄皆有一牒誠為
繁亂蓋其以人意度之謂一日一時之間不
能徧問諸處不知冥冥之中神靈所加不行
而至不須人慮所及也又生天寶誥亦有效
朝廷誥敕計奏被旨之類不獨取識者笑實
有累於教法爾

議金錄白簡

簡錄功及幽冥不可具述獨振麗華尤為昭
著記云誦經至九過適當懺罪之時遂焚簡
疏則奏簡當在功德成就之時明矣近有方
發奏之時先取救苦符盡焚焚以為亡者出
離地獄義有未安蓋抽魂自有文牒白簡當
在傳度時宣告使亡者乘道場所作功德及
願持戒懺悔自新之力然後真簡告下十方
赦罪釋冤自此方為出離地獄上登朱官備
故經云九幽地獄衆生聞北帝廣為啓請心
生悔過願求解脫天尊方為說戒給符此尤
可擬又念呪篆符不為難事但能篆二十面
即可記憶蓋符呪意義相合故也人能審試

之則知此言不妄

議詞意

青詞止上三清玉帝或專上玉帝為善或有
自九皇而下至於十極諸天三界其靈皆列
于詞中豈有請命于上帝就以遽告衆真歟
又朝廷所修詞文不過六七十字不用中謝
伏念字此乃表誠為謹嚴且詞先入願意欲
直其事因不可以對偶聯屬雖云宣讀之便
不知詞文又有對偶事意重複不嚴簡爾又
意中不必具境中所行法事自有功德疏願
具止云以某日某時法事取某日某時設醮
滿散大醮如此蓋逐時宜讀願意既已詳備
功德言諸陳燭亦使人聽也願意既已詳備
於詞文則直下精覈數語以伸激切之誠又
舊有逐時行道狀景作詞從虛文也今於黃
錄則以九時誦經所為事各奏一詞庶幾行
道誦經意旨相合亦以見齋主願力之普也
亦雅合為國為家為存為亡為龍神土地為
沙界含情之本意焉若醮事止用啓散心詞
為善又有以黃紙書詞者尤為未安豈有臣
子之詞而以黃紙書蓋青紙朱書以代披肝
瀝血之謂也

玄都律議章詞體

律曰章詞之體欲實而不文拙而不工朴而
不華實而不偽直而不曲辯而不繁弱而不
穢清而不濁正而不邪簡而要而輪誠則可以
感天地動鬼神俚上天曹報應五至也違者
司非執法官吏從坐

議太清街

太清街五十二字疊成二寸四分須令字畫
分曉可讀不得以字入字或有促作一寸二
分無異塗抹或則字數踈長有違法度凡司
章奏須在謹嚴令齊整精密不可苟簡齋法
中惟朱章科禁最重按三洞法師朱洞微旨
要云填太清街不隔時在欲行事之時書填
入匣以候行事其謹嚴如此可不勉之

議衆真獻狀

三籙及諸齋醮所降上真各有等差不可違
越按金籙道場所降上真止是每位奏紙錢
馬一分並不併合聖位今取千二百分上真
聖號契勘單位排定庶無繁瀆或消災盟真
等醮則隨宜奏納做此修寫並不得過百二

去又見其集中遷按消災分解家訟三章小字箋注處多是取定制集所校正者其他章亦有可取亦有可議如引定獄事作對焉之類是也況信自降筆至誠之士誤為上真而敬事之不知此即翊聖傳中所謂化見觀音之類爾

議文牒

道家奏狀文牒要須清淨典雅蟬蛻法作成之語方稱

太上所以立教勸善之意近有專從事於文字者一一模倣官府行移造為文牒公牒之類言詞無鄙凌翳神祇後著天師高功銜其實出於己意神明聰直豈可欺哉不知奉道事天理趣與法官考召治鬼之義大不同況於官府文法尤不相干也彼皆恃此一切施為誠有不便或當有所修定須得高識之士為之審詳方可施用元素苟有所見不敢秘為一己之私由是續有此四說以祛障礙惟欲教明而辭達心我同胞與夫崇設之家必無因齋獲罪矣

書章法

科云凡書章北向施筆筆現恣異不可使雜用者閑悉書寫不得與人言字未竟不得放筆黃素勿令破損飛落牀席地上上翦裁令幅廣一尺二寸行闊一寸二分行列一十七字上空八分下不通走蟻謂云下通走蟻諸經所載皆云下不通走

臣字不得居頭鬼字不得為首不得盡生露死抽破人姓名以聞去再拜一寸二分臣姓去以聞三行太清衛去臣姓三行太歲去太清衛三行寫訖焚香三復點檢置於淨所以候行事違者奪算右出通典玄都律及旨要

官分

太上虛无丈人宮正月十日 玄老僊都宮二月

太上三天太清宮三月 太上重道宮五月

太上九炁文昌宮六月 太上天帝宮八月

太上天道宮九月 玄都宮十月

太上天侍中左右監諸將軍宮十一月

曹局

建玉帶赤靈宮一日 太素曹太微宮二日

太微曹北平宮三日 都正曹太清下宮四日

正一曹通明宮五日 玄一曹上明宮六日

太素曹高靈宮七日

元靈曹侍春宮九日

三水曹素女宮十一日

清叙曹西明宮十三日

中都曹典平宮十五日

司姦曹南伯宮十七日

統錄曹西靈宮十九日

監司曹陽明宮二十日

司官曹少陽宮二十日

太玄曹少陰宮二十日

都候曹太白宮二十日

直司曹陽明宮二十日

已上依朱洞微旨要契勘

王女六句每句一王女

甲子太玄玉女

甲申太素玉女

甲午絳宮玉女

出玉清大洞籙上三部係左靈飛玉女

諸章通用謝罪

具高功位臣恭誠惶誠恐稽首再拜

靈集曹紫微宮八日

太清曹紫靈宮十日

司錄曹巨野宮十二日

玄正曹上降宮十四日

司非曹北府宮十六日

統部曹東明宮十八日

監考曹司命宮二十日

典考曹太陽宮二十日

玄元曹太陰宮二十日

都司曹北辰宮二十日

直使曹林明宮二十日

典考曹啟明宮二十日

甲戌黃素玉女

甲辰拜精玉女

甲寅青腰玉女

甲子清大洞籙上三部係左靈飛玉女

諸章通用謝罪

具高功位臣恭誠惶誠恐稽首再拜

上言

太上無極大道至真自然金闕下臣實以下
愚濁質瑣陋凡材叨承

師匠之恩獲處簪裳之列臣某誠惶誠恐稽
首頓首伏念臣學業未備進止犯科恐貽

譴責之誅深負兢惶之念輒因闕奏恭具首
陳仰瀆

高寧冒干
聖聽臣奏為入意

言功章謝罪

具位臣某誠惶誠恐死罪死罪稽首再拜
上言

太上無極大道至真自然金闕下臣自以下
愚謬參

大法功無塵靈藥積丘山俯仰慙惶形魂罔
冥臣某誠惶誠恐死罪死罪伏念臣實以凡

微幸藉前福叨逢
妙化欣荷過分既忝

具司職主教度雖稟性庸謏茲蒙丹衷追尋
慈風服膺

妙訓見義思勇日夜疚心因緣所值敢不以
聞臣奏為入意

章後

以為效信恩惟
太上分別太上奏省理投誠臣愚質穢氣

濁面奏無由此意謂凡大機兩未能輕率而
語不可滅則謹因二官直使正一功曹左右

官使者陰陽神決吏科車赤符吏剛風騎置
吏驛馬上章吏飛龍神龍天僊飛真騎吏等

官各二人出操臣所為弟子某家修建某道
場謹上請天官君將吏兵拜奏

三天門下某章一通上詣
太上某官某曹某玉女伏須

告報臣某誠惶誠恐稽首再拜
下以

聞

小臣姓名係某州縣某觀古儀並不用某
太清街諸章通用要成二寸

太清玄元無上三天無極大道太上老君太
上丈人天帝君天帝丈人九老僊都君九炁

丈人百千萬萬重道炁千二百官君太清玉陛下

三清街為國章吉用
三十二分

太上無形無名虛无自然無上三尊金闕七
寶玉陛下

年號

太歲甲子年月朔日甲子某時於醮壇

中拜上

玄都律所載章忌

戊辰戊戌日不可上章戊戌為天門辰為地戶
戌將狗辰將龍遇戌中官土神其日太上諸

君丈人對校天下男女生死善惡龍遊五嶽
狗行河梁中黃大神備守天門犯者大神攝

人魂魄若戊辰戌戌卒有災殺欲祈告者但
正心端坐思過悔責上天懸知當為寬停候

吉日上章表無不如願

消災保命延算章此乃壯天師所修
今作藏中宜惠助

化章
錄出

即日稽首列詞但弟子某獲以凡微承稟

道化命係

皇極炁降

九天具神毓質荷

恩無極而立身復行失性任情福眇過深罪目盈貫一旦災極拯護無門伏惟

道惟仁慈好生濟物洗心首露積愆可原又恐弟子某前代今生行藏所犯六情十惡日

造愆非三業十纏累增結縛沈淪網罟自解無由又恐九世七先億曾萬祖宿有違犯連

連子孫又恐命籍之中五行遷革上天度之內九曜躔移有所照臨成其災厄又恐祖世

以來居官理務賞罰失宜民陷冤辜俗嗟酷暴怨恨呪詛致結禍原又恐住宅之內土木

興工侵傷觸犯遠天地之炁乘緯候之常神明所責成其災厄拊心靜想惶懼無涯若涉

巨川罔知攸濟惟一心歸命求乞表章上奏九天以自分解臣謹為拜章上

聞上請南上君官將百二十人治蒼果官主為弟子某開天門益壽命又請壽命君官將

百二十人治安昌官主為某增祿延年解災度厄又請南昌丹秩君官將百二十人治列

庫官主為某遷著生年脫下死籍解罪咎於

鄴都之府列姓名於曆紀之中又請明堂絳

宮君官將百二十人治城炁官主為某增生年益壽算又請天公君一人衛郎三萬九千

人主為某解患過厄衛其生炁過厄乃度厄也科云過厄三災八難人多難又請玉曆素女千二百人

衣赤衣主為某收三魂拘七魄調理五藏六腑安三萬六千神洗除疾厄延年益算又請

周王君官將百二十人治地理官主為某致百二十生炁神衣赤幘天衣仗節制三魂拘

七魄常不離身扶策度厄延年益算若某命十

在水中水官轉而出之命在地中地官出之命在火中火官救之命在水中木神護之命

在冢墓開而拔之命在刑獄破而釋之命在拘攝決而赦之命祿將盡續而益之命祿已

衰扶而救之即使疾厄不侵災橫不起年算長遠以為效信恩惟

太上云云

遷拔章
但弟子某即日奉詞自惟宿福屬值休明

大道流行

三洞垂教

至真大聖拯護天人得以凡微崇奉

正法伏蒙

太上大道諸君丈人垂

慈蔭覆累世以來常荷

福祐今竊慮億曾萬祖先亡近道家親眷屬

所薦亡靈在生之日及積劫因緣種種所為

無邊罪咎未蒙

原赦難得超升輪回九幽受對長夜或在泰

山岱宗二十四獄北都羅酆三十七獄八卦

五方九幽大獄及

天地水府百二十司所在州縣陰官冥府之

中或在王官之下陰陽水火風刀考官曹屬

之內若非

大道亭毒之施遷拔無由但弟子某忝為後

嗣追慕推頤若上為下夫為妻者可識此二句止云但某恐其人云云若欲用此意者須得改正恐亡人某冥冥夜府不

觀光明往返輪迴苦毒難處是敢披心瀝懇

歸向

法門仗

大慈之恩求乞章表解釋罪愆拔度魂靈詞
情懇至實切哀憫 臣謹為拜章上聞

天曹伏丐

太上老君太上丈人天師女師三師君門下

五炁君等

五炁君科云歷歷五炁諸君藏本亦然或云生炁正炁君皆無故書

留神平省所上章書通行上

御乞以

道炁下流覆衣弟子某家所薦先亡近逝一

切魂爽 臣謹為上請東西南北主者吏兵一

合來下主為弟子某家遷拔所薦亡過某及

家親外姓一切魂靈出離長夜九幽之府上

升八天福堂之中又請拔贖亡人魂魄大將

軍一人兵士十萬人一合來下主於

九天之上九地之下三官之中四時五行泰

山岱宗二十四獄之內北都羅酆三十七獄

之中依名遷拔所薦亡過某等男子三魂七

魄女人三魂十四魄解散考謫和釋冤仇進

入

道官之中安樂之地利佑生人子孫平安死

生蒙福家墓安靜災害不生以為效信思惟

太上云云

黃籙言功都章 古儀黃籙上經此一

羅之故 章星家國幽顯皆設

但弟子某即日稽首列詞具言

無上正法黃籙大齋解除生死先身今身身

口意業上資

國祚下及羣生保國寧家獲災却禍增祿延

年解厄除殃拔度九祖七先一切魂爽濟度

存亡惠及幽顯謹齋十方鎮信本命紋繡油

燭香花諸供養具謹贊丹誠奉詞以聞因臣

行道懺悔首謝新罪宿愆斷絕殃咎濟度存

亡詞情丹倒 丹亦也 理在可申 臣謹率同法

都講道士某等幾人謹依下元黃籙簡文靈

僊科品於某處設玄科之式法

天象

地以齋主弟子某家所齋金龍繡練地鎮十

方析

天請

命救度存亡共相整勵刷心靜念塗炭稽顙

歸命

至真以祈所願三日三夜九時行道九遍誦

經以某日清旦為始登壇行事合一十八時

祈請功成事立謹即言功解壇散席投金龍

於山水丹青檀札以奏言於靈壇伏地拜奏

黃素朱章一通上聞

九天伏惟

太上無極大道元始天尊

太上道君

太上老君太上丈人無上玄老十方自然靈

寶天尊已得道大聖眾至真諸天丈人太帝

天帝玄中大法師天師君曲盼所奏垂憫丹

心如蒙上

御乞

勅典者宣告十方五老上帝五嶽真仙三官

九府百二十曹十界真靈拔度弟子某家九

先七祖有緣無緣冤親平等一切幽爽垂令

開度得出長夜九幽之中升入南宮冠帶枯

骨反體生華轉輪漏盡化生福門乞所在土

地管衛屍形復神及舊與景冥舍弟子某家

前生今世一切罪咎並乞除蕩和釋冤仇度厄消災延生保命存亡開泰眷屬安寧上願七曜圓明

二儀永固陰陽調順九穀豐盈國富人歡天下康泰六合清靜

帝祚延長疫毒消殄晷瑞日臻克保元吉永街

道恩謹遷修齋所請天仙兵馬飛仙兵馬真人兵馬神人兵馬地仙兵馬日月星宿兵馬

九官五帝兵馬五嶽四瀆兵馬三河四海兵馬各九億萬騎監齋直事侍香金童散花玉

女五帝直符傳言奏事飛龍騎吏等身中內外真官靈寶官屬守宅將軍此間土地里

域真官三界神祇凡屬監臨衛護宣通名命營衛齋事有功勤者一切嚴裝隨臣今章上

詣

仙都列受功賞謁言真官進品上仙加爵進

一作秩隨品署職一作高下等級皆令崇達一如太真之儀臣等學法未備俯仰之格中

有明朝賜拜跪之儀進止犯

科不合儀式恐四司所糾五帝所執千衍萬過乞蒙

赦宥哀原未悟不見罪罰臣等身中五體真官受功事記各還官府使臣等學道得道求真得真一作求為真人此句與三光七曜

五炁長存以為效信恩惟

太上眾真分別云云操臣所為某家修設無量下元黃籙大齋三日四夜露請事竟解壇遷職復諸

天位重明功德進拜黃素朱章一通上詣三天曹云云

為國祈祥章新添

即日稽首列詞伏聞河圖已兆克彰經緯之文心畫既成以通神明之德皆

聖道之昭格至彝倫之叙陳況

皇天佑下而作之

君師宜百姓戴

后而同乎日月自天保之詩作而下知報上至洪範之極建而福以錫民屬當

清裕之時宛異鴻荒之世重念齋主某既弗

知於日用執仰答於

天休共懷衛社之忠敢效封人之祝今則恭修寶供謹按冲科請命

高宮歸心

大道敬求章表上奏

三天臣猥以凡微獲參

秘奧立功為本焉

國居先謹為伏地拜奏黃素朱章一通上聞

天曹伏丐

太上無極大道元始天尊

太上玉宸元皇道君

太上老君混元上德皇帝

太上丈人天師女師三師君門下五炁君等

留神平省小臣所上章書流以道炁衣履字衣

去聲傳云大感降

真靈臣謹為上請管星君一人官將百二十人治洛逆宮主逐捕羣兇以安萬姓又請日月天兵十萬人衣赤憤紅衣主理陰陽辟斥寇盜又請日男君千二百人衣白衣主祛伏逆人華心順化又請萬姓君一人官將百十

人治和山官主伏天下之人心腹不正為惡逆者又請東西太白君官將百二十人治九天乾官主制伏姦惡好為狂孽謀議者又請人庫兵士二十萬人搖天動地君無上九炁君兵士各十萬人主攝制姦兇捨逆從順賓

向王化稽首

闕庭永釋戈矛以息邊患伏願

聖躬和暢

睿算綿長

威德邁於唐虞

神化高於文武

衍靈源於銀漢

隆大本於玉京俾熾而昌曰壽而富攝中外

官僚之品懷忠良正直之心然後風雨時而

百穀豐登災癘消而萬民康又早諧恢拓永

保升平以為效信恩惟云云

分解冢訟章

三丈六尺每行十七字
弟子下已空字數臨時
隨宜加減足成十七
字免有遺動全本

章信

黃素三十六尺

紫羅命綰三十六尺

二十三

丹砂一兩

命錢三貫六百文

槐黃紙百二十張

上色墨一笏

謹啓

天曹地府冥司衆官伏接

正一明科

天師儀典

大道垂法濟護羣生千二百官章極度存歿

十方衆聖咸所證知今弟子某所陳詞悃欲

冒

哀憐竊慮上世以來先亡後逝訴訟生人所

在陰官冥府之中神趣鬼趣之內或有溺死

之訟燒死之訟傷死之訟絞死之訟獄死之

訟囚死之訟徒繫死之訟折傷墮落死之訟

棒杖死之訟毒藥死之訟虎狼齧死之訟產

乳死之訟自縊死之訟自刎死之訟損胎死

之訟被殺死之訟雷霆震擊死之訟精魅所

惑之訟強盜劫掠死之訟久病不痊死之訟

疫癘傳染死之訟卒死之訟饑餓死之訟寒

銀刀一口長五寸

祿米一十二升

上色筆一對

薰陸香一兩乳香

凍死之訟熱渴死之訟魔死之訟瘡病死之

訟中惡死之訟霍亂死之訟癰疽死之訟浮

腫死之訟壓死之訟疾病不救死之訟老死

之訟少死之訟孤死之訟獨死之訟縊死之

訟寡死之訟客死之訟露死之訟死無棺槨

之訟屍骸不埋之訟骸骨不合之訟鳥獸殘

啄之訟焚屍之訟漬骨之訟車馬踐轢之訟

鑿掘穢汙之訟已葬之訟未葬之訟葬非本

墓之訟葬不穩便之訟葬犯禁忌之訟地氣

衝激高下四方之訟七祖父母中外六親九

族互相牽引之訟育子不養之訟有男女不

舉沒為奴婢之訟同姓之訟異姓之訟無宅

之訟有宅之訟有後之訟無後之訟責怒之

訟悲傷之訟奄忽之訟有寵愛之訟有冤讎

之訟爭伐之訟殺活之訟慙負之訟約誓之

訟呪詛之訟枉濫之訟死後受詰之訟受考

責之訟受徒繫之訟受調役之訟受二十四

獄三十七獄罪報之訟求寬赦之訟如此等

訟各有條領若溺死之訟訴其沉淪水府屍

形需漏燒死之訟訴其髮膚焦灼皮肉剥爛

傷死之訟訴其身形殘毀流連瘡血絞死之
訟訴其繩約緊急氣息壅閉獄死之訟訴其
械鎖攀攀不得解脫囚死之訟訴其困囹幽
嚴道理不暢徒繫死之訟訴其枷杻在身誦
役苦劇折傷墮落死之訟訴其筋骨摧碎棒
杖死之訟訴其身被拷掠毒藥死之訟訴其
腸胃潰爛被虎狼齧死之訟訴其肌膚噉食
產乳死之訟訴其腸裂腥臊自縊死之訟訴
其官私所逼自刎死之訟訴其所為敗露損
胎死之訟訴其未親光明被殺死之訟訴其
宿有冤對雷霆震擊死之訟訴其犯忤神明
精魅所惑之訟訴其心思不正強盜劫掠死
之訟訴其宿債未償久病不痊死之訟訴其
沈滯困劇疫癘傳染死之訟訴其親戚不恤
無人救療卒死之訟訴其大限忽至不通醫
治飢餓死之訟訴其胃脘空虛寒凍死之訟
訴其戰慄冰凍熱渴死之訟訴其炎赫焦爛
魔死之訟訴其精神怖悸邪鬼制伏瘡病死
之訟訴其寒熱顛倒中惡死之訟訴其暴病
卒急急不得伸霍亂死之訟訴其飢飽勞役

榮衛錯亂癰疽死之訟訴其皮膚膿血臍
潰爛浮腫死之訟訴其氣脉痼疾身軀腫脹
壓死之訟訴其筋骨腐潰疾病不救死之訟
訴其不過良醫老死之訟訴其筋骨疲頓少
亡之訟訴其年志未成孤死之訟訴其幼無
蔭覆獨死之訟訴其老無依托鰥死之訟訴
其隻形難處寡死之訟訴其離別悲嬌客死
之訟訴其懷鄉隔越露死之訟訴其形無覆
蓋死無棺槨之訟訴其體親土壞屍骸不埋
之訟訴其不歸萬里骸骨不合之訟訴其肢
節分張鳥獸殘噬之訟訴其永失肌膚焚屍
之訟訴求補復清骨之訟訴求高燥車馬踐
轢之訟訴其受害害而與人異鑿掘穢汙之
訟訴求遷移已葬之訟訴求修理未葬之訟
訴求墳墓葬非本墓之訟訴求里域葬犯禁
忌之訟訴求解謝葬不穩便之訟訴求改移
地氣衝激高下四方之訟訴其處所更相轉
動七祖父母中外六親九族互相牽引之訟
訴其生人違背恩紀育子不養之訟訴其天
性忍害不得生成有男女不舉沒為奴婢之

訟訴其屈抑同姓之訟訴其宗族散蔓遞相
踈隔異姓之訟訴其結托婚姻中途背義無
宅之訟訴其靡有所歸有宅之訟訴其補葺
有後之訟訴無恩養無後之訟訴絕祭祀責
怒之訟訴人侵欺悲傷之訟訴多阮枉奄忽
之訟訴不獲詞有寵愛之訟訴其慕戀不斷
有冤讎之訟訴其恃勢難言爭伐之訟訴其
銜恨不了殺活之訟訴其所報不明慙負之
訟訴其心有所懷約誓之訟訴其急愛不絕
呪詛之訟訴其怨怒盟誓枉濫之訟訴其情
理不雪死後受詰之訟訴要生人作證受考
責之訟訴要生人充替受徒繫之訟訴要見
存拔贖受謫役之訟訴要生人求救受二十
四獄三十七獄罪報之訟訴要生人追捕求
寬赦之訟訴要生人功德種種等事各有訟
言垂是怨結莫伸因為引注將生人名字訴
於鬼官連逮子孫未有解絕其人亡後所興
諸訟皆由不能自認求對生人大略雖合八
十一訟其中枝葉散蔓變成百千萬種又有
生為愆非死受謫罰湯烹火灼風刀雷駭負

石鑿山轉江壅穴如此之目復有百千萬條
悉由命歿之後訟引子孫更相攝對又有陰
司伏匿幽冥訟逮或值時不理患難逼身不
勝哀憂心悲口毒劇言怨語呼天喚地辱罵
光景穢觸神祇事徹幽明皆由訟考又恐立
身醜惡造業無量犯諸科律禁戒悉入考目
百年五十年四十年三十年二十年十年五
年三年二年一年一月一日一時積考相加
衆罪併集歿命之後餘考不息纏綿累積宿
世以來先亡後死於此諸條恐有負犯受考
之日不自甘承引鬼呼神充天怨地上下遺
殃終不解釋或有臨民理務枉劫無辜殺人
取財阨人受賂因公行私狠及暴虐離人骨
肉奪人種親破人和合絕人恩愛或信任邪
佞讒賊六親持上逼下怨酷競生咒禱鬼巫
厭伏良善拘收魂魄鎮精神或起土興工
犯諸禁忌毀損堂廟侵觸神明穢黷靈蹤真
神責怒如此罪考轉爲注訟亦無極數又恐
弟子某七祖以來復有陰罪陽過生罪死過
表裏沈鬱內外積咎無德無恩不仁不孝欺

妄詐僞非人所行
天地所不容人神所共弃命歿三官皆被對
罰罪罪相及世世結固終無止息魂爽難伸
不堪荼毒亂訴鬼官求引生人代其罪苦然
幽司雖明亦有曲佞或聽理鬼言檄召充對
致令弟子某累年災厄頻歲凶衰夢想先怪
錢財耗散營求不遂告訴無門向臣求乞分
解冢訟墓注口章救拔亡魂解脫冤對仰惟
大道聖功莫測而以人爲軌迹遷說是敢唯
罄丹衷竭誠懇禱依
科遵奉謹齋黃素丹砂錢米紙筆書刀紋繒
上奏
天官以自分解臣謹爲拜上口章一通伏丐
太上大道十方衆聖
敕以典者省理小臣所爲弟子某分解先亡
後死冢墓注訟之氣令使注訟消滅也害潛
靜人鬼異路死生永隔謹上請天官君將吏
兵各司所主爲弟子某厭制墓氣解散殃考
降神布炁除諸災患又於鄴都泰山河海丘
陵詣諸謫伐之處三官九府各隨原赦檢舉

必使解釋放免謹按
太上千二百官章并
正一真人所授
南嶽魏夫人治病制鬼之法爲弟子某請太
玄君五人官將百二十人又詣都候君五人
官將百二十人治太清官又請佑護將軍兵
吏執太玄真符攝解冢墓殃注訟逮復逮之
鬼并陰官官等告下弟子某角姓冢訟交通
所屬句芒之神微姓冢訟交通所屬祝融之
神商姓冢訟交通所屬蓐收之神羽姓冢訟
交通所屬玄冥之神宮姓冢訟交通所屬句
陳右土之神及丘丞墓伯地下二千石蒼林
君武夷王左右冢候地中司機墓卿右秩蒿
里父老諸地里域主者並嚴絕弟子某冢訟
之氣復注之咎若弟子某七祖父母伯叔兄
弟中宗外族爰及諸冢冢墓所在有犯十二
月建破王乘墓八將六對復絕禁忌背向不
正輔次不明左前右後伏屍故氣男女命座
若爲刑禍虛耗不息咎害子孫者並爲解釋
和合補復死生咸得安寧又請太玄君一人

官將百二十人治女渠官又請九地君一人
官將百二十人治地理官一合來下主為某
分解葬埋所犯十二月建破王虛耗及十二
土墓冢訟之鬼一切皆消滅之又請都星君
五人官將百二十人治青蓋官又請誅殃君
五人官將百二十人治倉明官又請太白中
陳明星君五人官將百二十人一合來下主
為弟子某七祖以來前亡後死連星不斷星
死復連十二刑禍還流逆殺除落死次止妨
滅殃又請赤天倉炁君五人官將百二十人
主為弟子某驅斥親疎遠近及有異姓訟逮
諸凶惡之鬼又請無上高倉君五人兵士十
萬人主收五墓之鬼傷死來往病祟生人又
請四明君官將百二十人主消散考訟之鬼
不正之炁致不安穩者又請天昌君黃衣兵
士十萬人主收弟子某家中百二十殃怪及
中外強拜十二月建刑殺之鬼又請收神上
明君官將百二十人主收坎坤不寧惡孽錯
亂魂不守者又請蓋天大將軍一人兵士十
萬人主為弟子某辟斥故氣斷絕注訟之鬼

却死來生却禍來福又請太白君十萬人都
官從事考對役君各有種數百千萬人一合
來下主營衛奉
道弟子某之身及家門眷屬却死籍注生名
斷絕祖世中外亡人死注惡濁之氣並令破
散萬殃之鬼不得伺候牽引更相往還若下
官故氣假托形影導從鬼兵憎逼亡人致使
連連家門者一依
女青玄科收治絕滅之又請拔贖亡人魂魄
大將軍一人兵士十萬人主為弟子某家遷
拔所薦亡人某男子三魂七魄女人三魂十
四魄解散考誦和釋冤仇進入
道官之中安樂之地乞使所請天官君將吏
兵各隨本職為弟子某解除亡人受謫療理
衆苦煩害之疾盡得平安克使訴訟不生殃
注絕息便弟子某家先亡後死中宗外族異
姓親戚奴婢僕妾橫暴枉濫流亡不葬無後
嗣之鬼凡是前件八十一訟之事及千萬種
殃考注逮等皆各潛寧休息不得復動作耗
為害若欲怨望覘伺間隙構扇禍害者當盡

收斥即使永滅不使更生章
御之後賜弟子某家先亡後死七祖九先罪

蒙

原赦魂升
三天家墓安寧考訟平靜當令慶流後世子

孫隆茂仕宦高遷學業成就營求果合所向
開通壽命延長災瘳度脫老者反少少者不
老夢寐寤真宅宇清靜所有疾患必獲痊瘥
九玄七祖上升
天堂一切幽魂速蒙

解脫以為效信思惟

太上分別云云操臣所為弟子某家修建某
道場上請天官君將吏拜奏

三天門下分解家訟殃祟保存拔亡祈乞
恩福口章一通

右家訟章所以保存拔亡無不詳盡凡欲
拜者更不必上遷拔章恐成褻瀆

已上四章並依古儀本并取千二百官號
經契勘所請官將官分所主事並無舛誤

誓火章